

Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput I. Contritionis perfectæ idea atque utilitas.

[urn:nbn:de:hbz:466:1-53587](#)

C A P U T I.

Contributionis perfectæ Idea atque utilitas.

Contritio, uti ex Tridentino didicimus, animi est dolor, ac commissi peccati detestatio, cum proposito non peccandi de cætero. Duplex ab eodem Concilio contritio distinguitur: *perfecta* una; *imperfecta* altera. De hac diversa sunt Doctorum placita, quæ sequenti capite expendemus: de illa uniformior invenitur doctrina, quæ tota circa contributionis originem, objectum, latitudinem, ac intensionem versatur.

Contributionis *originem* ipsa ejusdem notio manifestat. Definitur enim quod sit dolor de peccatis propter Deum super omnia dilectum cum proposito non peccandi imposterum. Ex amoris itaque visceribus perfecta contritio prodit; non enim tantummodo, ut amatus honoretur, sed etiam ut offensus ille denuo placetur, amor urget. Non igitur ipse formalis ac nudus amor, sed actualis, ac formalis dolor, interna disloquentia, & animi afflictio ex Dei amore oriunda perfectam contributionem constituit. Oportet insuper, ut non ex mero naturali Dei amore, sed supernaturali procedat, siveque fidei, spei, ac divinæ gratiæ, ut supra diximus, requiritur influxus.

Objectum contributionis duplex concipi potest: unum aversionis ac detestationis, videlicet peccata, quæ post sufficiens examen memoriarum occurunt: alterum prosecutionis, ac desiderii; videlicet oppositæ virtutes, & leges, harumque auctor

au^ror Deus. Contritio, quæ isthoc proposito caret, vana est, illique puerorum similis, qui commissos hinc inde excessus sibi remitti flentes rogam, vixque remissos rursus committunt. Non mere virtuale, aut implicitum sufficere, sed regulariter explicitum hujusmodi propositum requiri, ex Concilii verbis clare colligitur, quemadmodum enim contritionis, ita & propiti^r meminit, inquiens: *Dolor . . . cum proposito non peccandi de cætero . . . Et voto praesundi reliqua, quæ ad rite suscipiendum hoc Sacramentum requiruntur.*

Universalis, efficax, ac absoluta contritione oportet. Super omnia, quæ perpetrata sunt, peccata mortalia se debet extendere, omnemque ad quodvis grave peccatum excludere affectum. Exclusio ista tunc rite fieri censetur, dum non solum peccata, sed & occasionses proximæ, immo & propinguæ non necessariæ, in quibus homo sepe labitur, vitandæ proponuntur, simulque remedia, quæ relapsi obstant, prompto effunduntur studio. Ne illi, qui venialibus dumtaxat peccatis sunt inquinati, contritionis ac propositi efficacia careant, ad minuendum saltem numerum, aut unum præ reliquis emendandum peccatum intendere, atque conari debent, aliorumque actualiem, quantum possunt, excludere affectum.

Ut Contritionis dolor *vehemens* sit ac *intensus* est necessum. Casuista quidam quærit; an peculæris aliquis doloris gradus ad contritionem sit necessarius? Et responder negative; quia, inquit sacrae Litteræ, & sancti Patres remissionem pec-

cato-

catorum illi promittunt, qui per veram contributionem ad Deum convertitur; nec contributionis gradum ullum assignant, qui idcirco nullatenus est definiendus. At Prophetæ Joel ait: *Nunc ergo, dicit Dominus, convertimini ad me in toto corde vestro* (cap. 2.). Samuel vero ita loquitur ad universam domum Israel dicens: *Si in toto corde vestro revertimini ad Dominum, eruetur de manu Philistuum* (1. Reg. 7.). In Deuteronomio quoque est scriptum: *Cum quæceris Dominum Deum tuum, invenies eum; si tamen toto corde quæceris, & tota tribulatione animæ tuæ* (cap. 4.). Porro si quis in toto corde, & tota animæ tribulatione ad Deum convertatur, sane contributionis non est limitanda mensura; nam qui toto corde convertitur, conteri amplius, & dolore nequit. *Plangis mortuum* (inquit sanctus Augustinus Serm. 65. nunc 13. cap. 4.), *plange peccatorem magis, plange impium, plange infidelem.* Et sanctus Cæsarius ait: *Sic lugeamus extintam nostram animam quomodo alienam carnem mortuam plangimus* (Serm. 37. de Sandis.). Quamvis itaque quis potest, tamquam de peccatis conteri debet, etiam adusque lacrymas. Neque tamen si haec desint, ceu inanis ac ficta est spernenda contritio, non enim his, quæ foris parent, sed quæ in corde latent, Deus placatur. Segnities omnis est arcenda; nec tamen indiscrete aut violenter nimis contributionis procuranda intensio (a).

CAPUT

(a) Revideatur Textui supposita Nota de amore Dei intensive, & appretiative summo (Part. I. p. 342).
Godeau Theol. Mor. Pars II. E 6